



内閣文庫	
番號	漢 8312
冊數	40 (1)
函號	274 68

274- 68



大内閣
圖書印

一
卷

天官

圖書印

三卷

地官

春官

目錄

淺草文庫

3 - 475

四卷

夏官

五卷

秋官

六卷

冬官

周禮餘

七卷

王制

八卷

月令

儀禮

九卷

士冠禮

冠義附

十卷

禮記

卷之九

三禮考言

士昏禮

昏義附

十一卷

士相見禮

十二卷

鄉飲酒禮

鄉飲義附

十三卷

鄉射禮

射義附

十四卷

燕禮

燕義附

十五卷

大射禮

十六卷

三禮考言 目錄

聘禮

聘義附

十七卷

公食大夫禮

十八卷

覲禮

十九卷

士喪服

服問

三年問

喪服四制

喪服小

二十卷

士喪禮

問喪

問傳

二篇附

二十一卷

既夕禮

喪大記附

二十二卷

士虞禮

雜記

上下

曾子問

二篇附

二十三卷

特牲饋食

二十四卷

少牢饋食

二十五卷

有司徹

祭義

祭法

祭統

三篇附

儀禮逸經

二十六卷

投壺

二十七卷

奔喪

二十八卷

文王世子

三禮考言

二十九卷

明堂位

儀禮餘

三十卷

曲禮上下

三十一卷

內則

三十二卷

少儀

三十三卷

玉藻

三十四卷

深衣

三十五卷

大傳

三十六卷

禮記卷

卷

三禮集言

郊特牲

三十七卷

檀弓 上下

禮記

三十八卷

禮運

三十九卷

禮器

四十卷

經解

四十一卷

哀公問

四十二卷

仲尼燕居

四十三卷

孔子閒居

禮記集說

三禮考言 目錄

四十四卷

坊記

四十五卷

表記

四十六卷

緇衣

四十七卷

儒行

四十八卷

學記

四十九卷

樂記



三禮考言 目錄

三禮纂註目錄畢

三禮纂註卷之一

周禮

周禮者周公所創一代治天下之典也成王
幼冲周公相之蕪三王監二代量時宜酌為
定制綱之以六官紀之以衆職而禮樂制度
備散於三百六十官之中故不曰周官而曰
周禮其制作之良要非聖人莫之能者唯是
六官之錯出各官之放失蓋後人收拾於灰

燼之餘其敝無足恠也俞氏吳氏考而正之
力非不勵也顧博采他經雜參記傳而不知
正之本經不免矯枉過正汝成之愚竊有以
惜聖制不昭於後世王治終不見於天下也
卽其所定更考經文以天官之鄉考五官之
鄉以六官之鄉考六官之屬事以類從官以
職別三百六十官所統星躔并澮棊列綺分
燦然無疑遂叙次其官于首詳列其職于後
博之以諸家之說約之以一得之愚汰穢摛
粹小爲之註以昭古者設官之本意非敢以
掩前作將以俟夫後之君子且庶幾成周之
治復見於今也於乎如有用我執此以往至
是而可以自信矣乎禮記本二禮之傳記中
如王制月令諸篇皆因制度合於周官者今
仍附於周禮之後宣城貢汝成識

氏謂周天三百六十餘度而天官總攝三百六十官以宰為調和衆官過矣

愚按冢宰之職曰統百官見於周書曰制國用見於王制而此經又有六典八法八則八柄之條九職九賦九貢九式之格由是觀之則冢宰職之大凡無有出於統百官而制國用也已較然矣夫屬以官從治以職辨苟執是以考則凡掌此事者是其屬而凡反是者則皆非也故夫內史外史御史以至司祿司勳司士所職莫非典則法柄中之事也太府內府外府以至王府職內職歲職金所莫非賦貢式中之事也而司會司書者則兼此二事者焉舊或雜之他官今皆舉而罷之于此至於王宮政禁小宰宰夫先儒嘗言此

一體治國平天下之本之說故凡內宰官正等官仍是列焉而曆象醫卜飲食之屬皆例以此意蓋堯典羲和洪範稽疑詩稱仲允膳夫語云子之所慎疾國家之秘近褻之職非太宰之重莫可統而制之者事以相類而從權以相稱而與又何疑乎夫五官品章綺分入法此官苟正循源順流一隅三反五官卿屬易於示斯况五官不過一職者乎

凡五十九官

惟王建國辨方正位體國經野設官分職以為民極乃立天官冢宰使帥其屬而掌邦治以佐王均邦國

建立也建國者謂周公相成王營洛邑也辨
 方者考日景以別東西南北之四方也位召
 誥所謂太保以庶殷攻位于洛汭越五日位
 成是也蓋定宮廟之位也體分建如四體也
 經經畫之也體國謂營國城之中為九經九
 緯左祖右社猶人身之有四體也經野畫治
 其野之井邑溝洫如織之有經緯也此叙其
 建國如此設官分職謂既立國乃設置冢宰
 司徒等官而別異其治教禮政等職極猶表
 也設官分職百事皆舉而天下之民有所歸
 法而不敢違異也乃立者先序設官之意而
 後及所設之官也掌主也邦治謂總六官之
 職也六官皆總屬於冢宰子曰百官總已以
 聽於冢宰是也均平治也均邦國者使天下
 貴賤大小各得其平也古之稱宰相者多以
 平為名若商之阿衡是也蓋王者中天下而

治官之屬

建都亦欲四方均而取法一然非立官使各
 盡其所以治民之法又何以為民之極而致
 其來取法哉此天官冢宰以下之職所由設
 也其曰帥其屬而掌邦治正分職之實而佐
 王均邦國又所以為民極之本也謂之均者
 亦曰使無不被其教無不履其禮無不服其
 政無不畏其刑無不任其事云爾五官各行
 其一使五者皆行而無所異則冢宰也自惟
 王建國至為民極六官之首同此叙者以建
 國設官之為民無異也

言治官之屬此總與下六十官為目謂之屬
 者自太宰卿一人以下至朝大夫皆是亦非
 專指內史等為屬也下文乃詳列之后五官
 九言之屬者倣此

太宰卿一人小宰中大夫二人宰夫下大夫四
人上士八人中士十有六人旅下士三十有二
人府六人史十有二人胥十有二人徒百有二
十人

變冢言太進退異名也百官總焉則謂之冢
列職于王則稱太卿蓋六命也小宰與大宰
同名大小為異為大宰之故也若地官之卿
師春官之肆師之屬以其掌事不與大官同
故異大官也夫治以其治此一官所主事也
中下大夫同四命猶侯伯同七命子男同五
命爵則有高下不同也旅衆也下士治衆事
者九官尊者少卑者多以其卑者宜尊

宜進是以下士稱旅人有三十二以其理
事故也上士三命中士再命下士一命而
夫皆陰爵者以待出封加為陽爵士既
出封故在王朝雖為陽爵無嫌也自太宰至
旅士皆加上一倍轉相副貳皆主臣也府治
藏史掌書者凡府史皆其官掌所自辟除非
王臣也胥讀如諧謂其有才智為十長徒則
給使役故一胥十徒也此皆民給徭役者若
漢之衛士也周禮之內府史大例皆府少而
史多而府又在史上唯有御史百有二十人
特多而在府上以其掌贊書數多也又有府
兼有史以其當職事繁故也或空有史而無
府者以其當事少得史即足故也至於角人
羽人等直有府無史以其當職文書少而有
稅物須藏之故直有府也膳人食醫之等府
史俱無者以其專官行事更無所須也惟天

府一官特多於史以其所藏物重故也至如胥有胥必有徒胥為什長故也膳人之類空有徒無胥者得徒則足不假長帥也食醫之類胥徒並無以其專官行事不假胥徒也此官鄉一人大夫六人士五十六人府六人史十二人徒百二十人

內史中大夫一人下大夫二人上士四人中士八人下士十有六人府四人史八人胥四人徒四十人

其職掌八柄之法以詔王治凡命群臣則命之王制祿則贊之四方書則贊之國法逆會計書王命皆大宰之職也

外史上士四人中士八人下士十有六人胥二人徒二十人

其職掌書外令若令之舍人之職知外制者

御史中士八人下士十有六人其史百有二十人府四人胥四人徒四十人

御猶侍也進也其史百有二十人掌贊書人多且復在府上也掌邦國都鄙及萬民之治令以贊冢宰與大宰所掌相關非宗伯所得兼也東萊呂氏曰御史之名見於此以中下士為之特小臣之傳命令者耳至於戰國其職益親故獻書多云獻書于大王御史灑池

三禮考言 一
之會各命御史書事而淳于髡亦曰御史在前執法在後是掌記事糾察之任也至秦人主自親事以操御臣下其勢益重而御史大夫遂與丞相分權矣

司士下大夫二人中士六人下士十有二人府二人史四人胥四人徒四十人

允仕於國者不以貴賤總謂之士允始附於版者士也故曰司士其職掌郡臣之版詔爵詔祿詔事定食乃天官馭貴馭富與小宰作事制食之意也以今考之則冢宰為吏部尚書司士其吏部郎乎麗於夏官何義焉

司祿中士四人下士八人府二人史四人徒四

十人

主班祿其職闕似不可考然由其名可以知其職如司勳司儀之類皆名與職副今日司祿必仕者之俸祿以馭富天官八柄則是職也不當麗之地官明矣孟子曰諸侯惡其害已也而去其籍而趙氏亦謂司祿之官為是無其職是也

司勳上士二人下士四人府二人史四人胥二人徒二十人

主功賞故曰掌賞地之法以等其功與天官八柄之法相合是焉得為夏官說者以為軍賞不踰時屬之他官則司存散隔文告回復徒有壅蔽之害李牧為將賞賜決於外不從

中復乃能成功魏尚以上功首虜差六級文
吏以法繩之其賞不行則人心疑而趨事赴
功者怠矣由此觀之賞不離局其制密矣是
不知古之大宰則周呂之儔焉得有此弊此
以後世用匪其人而疑
先王之法於乎陋哉

右統百官之事凡六職

太府下大夫二人上士四人下士八人府四人
史八人賈十有六人胥八人徒八十人

鄭氏曰大府為王治藏之長若漢之司農掌
九貢九賦受其貨賄之入頒其貨賄于諸府
之事有賈者府官須有市買須知物貨善惡
故也愚按鄭氏謂太府若漢司農以漢考之

外府是司農內府王府是少府蓋外府掌邦
布之入出以共百物而待邦之用王府掌王
之金玉玩好器物凡良貨賄入焉內府掌九
賦九貢九功之貨賄與凡四方之金玉齒革
兵器凡良貨賄入焉故凡祭祀賓客喪紀軍
旅之事外府共之賜予衣服玩好之事王府
內府共之至於大府則兼總內外府凡九功
九賦等入悉經大府如財之當入外府與當
入內府王府者大府皆得搏節之漢時却無
大府一官凡天下經賦盡入司農凡山海之
賦盡歸之少府至宋王府為奉宸庫內府為
內藏南庫外府為左藏庫渡江後又別置激
賞庫今之南庫也周之三府分為四府凡天
下金玉之物皆歸之奉宸山澤鹽鉄之賦皆
歸之內藏以為天子私藏其佗泛常所入一
歸之南庫天下戶口租入則歸之戶部只緣

分散四出權不歸一所以財用謾不可考其視周制遠矣

內府中士二人府一人史二人徒十人

主良貨賄藏在內者所謂受藏之府也

外府中士二人府一人史二人徒十人

主泉之出入以其百事以泉布是外物外用待邦之小用所謂受用之府也故謂之外

王府上士二人中士四人府二人史二人工八人賈八人胥四人徒四十八人

工能攻王者賈使辨王之善惡貴賤也掌王之金玉玩好兵器凡良貨賄之藏及受貢獻

以備賞賜以王為主故名王府此帑藏之府也
宮者官職之最私褻然為冢宰之屬列於大府
之下與凡治藏之官不異蓋王者無外財物
在海內如其在囊中况貢賦之入何徂此之
云漢賜湯沐邑為私奉養不領於經費靈帝
西園萬金聚為私藏皆衰世法也惟周公皆
入於大府則司會之鈎考司書之要貳而廢
置誅賞之政行焉如此用安得不節又安得
以御府禁錢捐之親幸之手
省闥之中外人弗睹者乎

職內上士二人中士四人府四人史四人徒二十人

主入也掌邦之賦入辨其財用之物而執其
總入大府中皆由職內會其邦賦之入者故

內曰

職歲上士四人中士八人府四人史八人徒二十人

主會計邦賦之出貳出賜之數以待會攷

職幣上士二人中士四人府二人史四人賈四人胥二人徒二十人

幣給公用之餘財掌之者以待王之小用也此三職皆有府義不以府名以財不欠停也
右理財用凡七職

按大府總其入而班之諸府者也外府主其出以共用者也內府受其入以待大用者也王府專其王之好賜者也職內量其入者也職歲稽其出者也職幣振其餘者也而制之以大宰蓋自大府而下皆出納會稽有司也
有司不敢與天子較是非論可否持予奪施舍有所因則供之而已惟冢宰總百官以道佐人主上得以約王后世子之過取不得以制有司之擅供凡百好賜皆關之豈惟慮患抑以制欲其防微杜漸之意深矣嗚呼茲成周常有三十年之通而民無凶荒之患至於禮制樂興盈成之久豈非制國用之所基乎
司會中大夫二人下大夫四人上士八人中士十有六人府四人史八人胥五人徒五十人

會大計也掌六典八法八則之貳逆邦國官
府都鄙之治計天下貨賄之出入既主考治
又主考財是主用人理財
之大計乃計官之長也

司書上士二人中士四人府二人史四人徒八
人

主會稽之簿書凡八典八法八則九職九正
九事等文書司會所焉以攷治攷財者也

右主會二職

愚按此以上乃天官之正職以下則餘職也
按先儒以司會為若漢之尚書非也蓋尚書
特少府屬官耳當時諸官皆有尚書所以分
為四曹如常侍曹主公卿事也二千石曹主

鄰國事也民曹主凡吏之尚書也客曹主外
夷事也光武又分客曹為南北二曹凡為六
曹先儒但以尚書為司會之職不知成周司
會之職以中大夫為之其品甚隆其權亦足
以檢括既以考天下吏治之殿最又以攷諸
府財用之出入使不得為姦利其職不特在
入府等之上且在司士等之右先王之意遠
矣若漢尚書及為少府等之屬官而不得考
其計而凡計會之事皆司農之屬其後諸府
各自置官專管會計如太尉之金曹倉曹之
類惟蕭何於漢高時獨知此意領天下文籍
財賦以柱下史張蒼為計相其後蒼罷遂不
復置後世利權散出漫不可考職此由也至
於唐而設度支及為三司使屬官則益遠矣
且考治考財分為二會計而冢
宰之權益分此治之不去若也

宮正上士二人中士四人下士八人府二人史四人胥四人徒四十人

正長也宮正主宮中官之長一曰王宮宿衛官之長上士二人為官首中士四人為之佐下士八人理衆事府二人主藏文書物器也史四人主作文書也胥四人為什長徒四十二人以給徃後諸官體例皆然按環衛官有二一是公卿大夫子弟為之分制八隅宮伯領之置於士庶子之間宮正領之二者皆環衛王宮者也宮伯所掌皆宿衛之人宮正所掌不特宿衛而已宮伯所掌在漢時所謂郎衛宮正所掌所謂兵衛周公蓋屬於冢宰至春秋猶存潘崇為太師掌環列之尹至漢郎衛屬

之郎中令武帝更名光祿勳兵衛屬之蓋自漢以後宿衛之親人不領於大臣而正宮伯之官遂去而為光祿衛尉於是加官門人與而宰相之權益分矣夫漢初諸呂之難太尉不得入南軍若非鄧商給呂合則漢事危矣於是知周制之慮深也武侯云宮中府中宜為一體諒哉

宮伯中士二人下士四人府一人史二人胥二人徒二十人

伯亦長也以其為宮官之長故曰宮伯○以上宿衛事

膳夫上士二人中士四人下士八人府二人史

四人胥十有二人徒百有二十人

膳之言善也今時美物曰珍膳膳夫食官之長也詩曰仲允膳夫昔屠劑以晉平公有卿喪而飲酒樂遂酌以飲工而罪其司聰酌以飲嬖而罪其司明酌以自飲而罪其司味曰味以行氣氣以實志志以定言言以出令臣實司味而二御失官而君弗命臣之罪也後世以仲允為之而周道微然則膳夫得人則如屠劑非人則如仲允此所以屬之天官也此猶漢之少府宋之御前供奉官

庖人中士四人下士八人府二人史四人賈八人胥四人徒四十人

庖之言苞也養肉曰苞昔賈主市買知物賈庖人共庖厨須用市買也

內饗中士四人下士八人府二人史四人胥十人徒百人

饗割烹煎和之稱內饗所主在王及后世子在內之事也

外饗中士四人下士八人府二人史四人胥十人徒百人

外饗所主外祭祀及饗孤耆等事也以有內外可對故云內外饗

亨人下士四人府一人史二人胥五人徒五十

人

主給水火為外內饗養肉者○以上主烹飪之事皆膳夫所屬

酒正中士四人下士八人府二人史八人胥八人徒八十人

酒官之長蓋下酒人漿人則其屬也與膳食相將故在此亦如少府御前供奉官也

酒人奄十人女酒三十人奚三百人

奄精剛藏者今謂之宦人不補士則此奄亦府史之類女酒女奴曉酒者古者從坐男女沒入縣官為奴其少才智以為奚今之侍史官婢或曰奚宦女也奄十人以其與女酒及

奚同職故用奄人言女酒三十人則女酒與奚為什長若胥徒也奚三百人以其造酒須人多也後儒疑先王之世猶用奄人蓋民有足先王因擇而用之與遽條蒙鈔戚施直罇鞮曠司火瞽朦脩聲同若以為刑人則國君不近刑人况王乎若以為刑無罪之人而任之則宜先王之所不忍也然皆領於天官此所以無可慮者

漿人奄五人女漿十有五人奚百有五十人

女漿女奴曉為漿者掌王六飲與酒類且皆酒正屬也

籩人奄一人女籩十人奚二十人

竹豆曰籩女籩女奴之曉籩者掌四籩之實是薦羞之事

醢人奄一人女醢二十人奚四十人

醢豆實也不謂之豆此主醢而豆不盡於醢也亦有膾臠臠臠之屬掌四豆之實女醢女奴之曉醢者

醢人奄二人女醢二十人奚四十人

女醢女奴之曉醢者掌醢五齊七菹以供醢物與醢人通醢人惟主作醢但成齊菹必須醢物乃成故醢人兼言齊菹○以上供飲食

宮人中士四人下士八人府二人史四人胥八

人徒八十人

宮王六寢也掌王寢之備供沐浴掃除之事是安息王身○此供居處事

右掌宿衛供奉食寢事十四職

內宰下大夫二人上士四人中士八人府四人

史八人胥八人徒八十人

內宰宮中官之長對大宰治百官而言內宰治婦人之事故名內宰然則大宰不稱外者兼統內也掌王內之政令教后已下婦德之事蓋治后宮非如宮伯等治王宮而已凡內人皆長之王有大宰而后謂之內宰王有司服而后謂之內司服王有小臣而后謂之內小臣可見后之不預外政也內宰屬之大宰者治家之道亦多稟於大臣大臣格心之所

自出也凡掌內之事者皆屬焉而隸於大宰
蓋女寵近習所以移人主之德大臣總之無
敢踰節也觀晉侯近女而感疾醫和以爲趙
孟之過則知古人致君二南之化其道由此
東周宰職不兢下賄侯妾况以正王闡乎漢
之大長秋爲后卿蓋亦內宰之意其初皆士
大夫爲之猶可以節制後宮成帝勅許皇后
減用度而上書辨論猶有官吏以詔繩之之
恐猶有周家氣象但其職與少府分而內人
各統不屬宰相至于后遂改以宦官而大臣
益不敢問矣則成周
設官之意無復存者

內小臣奄上士四人史二人徒八人

奄獨此稱士者以其有賢行命爲士故稱士
也人僕掌出入王大命正其服位此小臣侍

后與大僕侍王同故亦掌王后之命正其服
位故曰內小臣以其所掌在內故也然謂之
士者是雖褻近必擇其謹信端厚可受爵者
爲之以其侍后故也然位亦止於上士而數
亦止於四無過寵焉無濫設焉先王慮患之
意微矣漢初少府得攝宮中奄宦而職屬於
丞相御史故鄧通無禮申屠嘉得以召斬之
此猶近周家內外皆屬冢宰之意至王嘉爲
東平王訟寃而表石顯之不當侯而嘉反下
獄死此漢之所以衰也

闈人王宮每門四人圍游亦如之

闈昏通門者晨昏啓閉闈亦主啓舉昏以該
之闈人門隸也刑人墨者使守門職掌守中
門之禁言中門則唯雉門耳而言每門者其
實五門皆使守之特中門有禁也圍御苑也

游離宮也周禮之內有同官別職則此闈人每門及園游同名闈人而職別也山虞澤虞云每大澤大山及川衛林衡亦是別職同官也別官同職者惟有官聯耳按周之闈人掌守王宮中門之禁而已漢武帝因數宴後庭潛遊離館奏請機事多以宦官主之於是宦官始預政焉則宦官之權武帝啓之也山是巧倖進而正人斥君政敗矣

寺人王之正內五人

寺之言侍也詩之寺人孟子亦奄人為之寺人披曰豈惟刑人正內者謂后之路寢也若王之路寢不得稱內以后宮故以內言之后六宮前一後五前一則路寢也觀其職之掌內人及女宮戒令可知也當幽王之時先王之法無有存者而尤有寺人傷總之事至此

惡讒而發男之豺虎豈不賢哉以此知先王之時內臣必取剛正能守法者為之雖當亂世猶知惡無禮者况成周時乎又况當時冢宰之賢乎

內豎倍寺人之數

豎木冠者之官名叔孫穆子以牛為豎官則亦以童子為之也掌使通王內外之命給小事以其無與為禮出入便疾也闈寺既嚴其守然後繼以內豎則先王宮禁之厲如此

九嬪

嬪婦也昏義曰古者天子后立六宮三夫人九嬪二十七世婦八十女御以聽天下內治以明章婦順故天下內和而家理也不列夫人于此者夫人之於后猶三公之於王坐

而論婦禮無官職在此者以其掌婦學之法以教九御同是內宮之官故也
 按自凡嬪下至女史皆屬天官先王之意於是深矣彼婦人女子而當於至尊幽居九重人弗得見驕蹇自恣將無所不至是故使之分職於內而附屬於外有職則當奉其法有屬則必考其功奉法則不敢不謹考功則不敢不勤舉宮中之人而有勸勉者官有其長之効也而况有內宰之賢參檢於其間與夫婢妾賤人自相使令而不復畏忌者有間矣漢高欲廢太子留侯曰骨肉之間雖臣等百人何益此大臣不得與內事之弊也一女專恣幾危國祚而公卿將附麗之不暇其何冢幸之能制哉

世婦

序官世婦以下具其名而不言數君子不苟於色也有婦德者克之無則闕也執箕箒以事人者謂之婦記曰納女於天子備洒掃納女者以卑自爾猶婦人之於姑也婦人之事人有廟嗣之義故謂之世婦且婦德無厭女欲無極自古婦人之賢者甚少是故生而寢地而衣禡長而姆教而執功及嫁教之公宮教之宗室教成之祭牲用魚芼用蘋藻所以成婦順也如是而後備於從人之道况夫王之六宮當魚貫之寵可以非其人哉且納女天子曰備百姓深山大澤實生龍蛇晉愍懷太子生而手揣斤兩先王之置百二十人而猶以無人而缺者慎之也後世甚或取之侶優下賤如趙飛燕李夫人之屬或掖庭萬人復何義哉舊春官復有世婦今按其職與此同且王宮之官不應與外官同稱非所以別

外內而以世婦為宮卿之名亦無意義且同在王宮而同名亦不可也故今舉而為一屬之於此

女御

昏義所謂御妻也蓋內宮之屬至卑者夫賢妃不世出亂國而亡家者往往而是蓋婦人之性陰昧柔弱鮮克正也后妃同體於王其次嬪御亦所愛幸一舉事足以旋轉天地薄蝕日月其為禍福可勝言哉妹喜之殺桀妲己之亡紂此類非少也成周內宰之職自王后以下至女御之卑皆受教焉無侈服無素道則闔門何有不肅天下奚有不化關雎之不淫葛覃之躬儉樛木之無嫉妬螽斯之多于豳卷耳之輔佐求賢原其之德

此見矣

女史八人奚十有六人

女史之於后猶太史之於王也王后有女史則視聽言動不敢不正蓋掌王后之禮事掌內治之貳以詔王后治內政凡后之事以禮從則非有適藝而知禮者不可為也鄭氏以女奴撓書者非也此蓋擇嬪御之賢者為之張子曰周禮八人為女史令執彤管在宮中書王后夫人事以佐內治宮女德之善惡及進御煩碎之事皆書之故宮女懼而脩德

女祝四人奚八人

王有大祝小祝后亦有女祝之官或疑文帝尚除秘祝而先王之時豈有此乎殆漢世執

左道入宮中者為厭勝之道也朱子曰女祝
掌九宮內禱祠禮禳之事使後世有此官則
巫蠱之事安得有哉而先儒亦謂古人通天
人達幽明女祝所以表三才之道者况屬以
內宰統之以天官
復何後世之弊

縫人奄二人女御八人女工八十人奚三十人

女工女奴曉裁縫者掌王宮縫線縫王及后
衣服最褻近者故在此奄二人以縫線事多
須有男
子也

右堂王內九十一職

前一類則宿衛之人供奉之士也而宮正領
焉後一類則奄奚之儔妃妾之貴也而內宰

領焉蓋宮正雖掌王宮然不過宮中徒役之
事予第環衛之職與夫諸官府之在內者耳
其於后宮則無所預內宰雖掌王內不過禮
束后夫人與九嬪世婦凡女寵近習之在左
右者耳其於王宮之徒後宿衛則又略不相
關各掌其一而遺其二勢既不能以相統而
權亦不能以相臨統而臨之則一太宰焉是
故職雖列於外而通於內權雖分於二而總
於一布列於王宮之內外而迫近於人主之
左右者一舉而盡歸之大臣之手夫以言乎
位則甚卑以言乎職則甚冗以言乎後則甚
煩縈也而冢宰以當國大臣屑屑乎是者此
其設官之深意可知也蓋公卿大臣其內外
也有限其進退也有時而其敷奏也有常且
望高而不敢褻德重而易以嚴至於朝夕起
居而無不與共者則斯人也所以變換人主

之耳目而移其好惡盡其純真陰奪其權者
 往往皆是人也是故其品地最微其資望最
 薄而其係於人主之心術關乎國家之理亂
 最切周公深智有見於此是以王宮后寢一
 切近狎之流事之極鄙而褻者不以爲細務
 而不親而天子燕處外官不能禽制者皆把
 握而無遺將群小有所忌而不敢自恣人主
 之心術有所礙而不敢自私左右前後侍御
 僕從宴私戲玩舉歸於正無敢有盡壞人君
 之心術而侵切大臣之權柄者體統之正無
 大於此是其職若煩而實切事若冗而實大
 蓋世未有家未齊而國可治未有國未治而
 天下可平者是故善論治者必先擇其與處之
 身而善正救其君者必先擇其與處之類此
 周公戒成王而虎賁綴二亦得與三宅者並
 語也朱子所謂周公謂周成王曰

人主正心誠意之實學而先儒以謂周公格
 心之事業皆確論也世儒乃謂嚴於守而
 闕略於人主之身疑非聖人之書則不考乎
 此之故耳夫自爲大臣不當親細事之說遂
 使擁虛名於百官之上上不得以臨下外不
 得以制內人君惟意所欲爲而小人惟利是
 親而天下已不可爲矣蓋自宿衛之親人不
 領於大臣也而宮正等遂去而爲光祿衛矣
 自供奉之近習不領於大臣也而膳夫等遂
 去而爲少府太常自夫女寵近習之嬖非大
 臣之所與聞也而后毋臨政下令不出閨闈
 國命寄之刑人爲大臣者反低回畏避以取
 容此揚秉糾中常侍而反被越奏近臣之詰
 所謂出房闥而方校是非者是以每讀天官
 至此未嘗不深嘆古人智慮之深長而治道
 之有本也五峯胡氏乃以爲周禮非周公致

太平之書宰相不當管宮闈之事其不知本也甚矣

太史下大夫二人上士四人小史中士八人下

士十有六人府四人史八人胥四人徒四十人

太史史官之長小史與太史別職而同官故共府史也此所謂非與內史外史御史等為長以內史中大夫故也按其職掌頒告朔抱天時執禮書蓋述紀國事及星曆卜祝惟其然則九郡國計書及天官星曆諸書皆藏於此韓宣子適魯觀書於太史氏見易象與魯春秋則知易數赴告之書藏於太史明矣太史惟有此書故得紀成敗占災異也傳曰天子有日官又曰吾非瞽史焉知天造楚昭王時有雲如衆赤鳥夾日以飛使問周太史對

曰其當王身乎則知太史兼明天象矣顧命叙太史在太宗之上而曰秉冊命而國語亦曰古者太史順時視土先時太史告稷命稷司事又曰太師七之太史八之次太師之下月令命太史司天日月星辰之行宿離不貨命爨龜策四時之首太史謁天子而馬遷亦曰文史星曆近乎卜祝之間以是而觀則亦保章馮相之類况掌書人主之得失若非掌之家宰其孰敢抗論天子哉麗之春官恐非所宜故今移置于此小史與世繫辨昭穆或疑為禮事不知天子諸侯公卿大夫之所以繼立必以世繫昭穆而知適庶之所在而天官依以定之司祿者可以祿之不然如有類帶子朝之亂隱桓白糾之爭將何以定是亦天官之所掌也



馮相氏中士二人下士四人府二人史四人徒

八人

馮乘也相視也世登高臺以視天文之次叙天文屬太史此亦掌天文與太史同故在此

保章氏中士二人下士四人府二人史四人徒

八人

保守也世守天文之變故與馮相俱稱氏馮相氏考諸曆數以知天道者也保章氏占於天象以察時變者也

既祲中士二人史二人徒四人

既子

祲陰陽氣相侵漸成祥者魯史梓慎曰吾見赤黑之祲掌十輝以觀妖祥辨吉凶亦天文之事故列於此易曰觀乎天文以察時變又曰天垂象見吉凶聖人則之天人同流相應而不相遠先王於天象必立官以觀妖祥辨吉凶所以和天人之際使之無間此既祲之所由設也

凌人下士二人府二人史二人胥八人徒八十

人

凌冰室也詩曰三之日納于凌陰蘓氏曰古者藏冰發冰以節陽氣之盛夫陽氣之在天地譬如火之著於物也故常有以解之十二月陽氣蘊伏錮而未發其盛在下則納冰於

地中至於二月四陽作蟄虫起陽始用事則亦始啓兵而廟薦之至于四月陽氣畢達陰氣將絕則冰於是乎大燠食肉之祿老病喪浴冰無不及是以冬無愆陽夏無伏陰春無凄風秋無苦雨雷出不震無灾霜雹厲疾不降民不夭札也胡氏曰藏水啓冰亦聖人輔相燮理之事而函風之卒章亦曰二之日鑿冰冲冲三之日納于凌陰四之日其蚤獻羔祭非其民之勸趨其後如此月令季冬冰方盛水澤腹堅命取冰仲春之月天子乃鮮羔開冰先薦寢廟此以其重事而謹之如此先儒乃以為掌冰凡內外饗之膳羞鑑焉以供膳羞連類在膳夫酒漿之列而不知先王之意深遠如此故今附麗於掌天文者之間以復先王所以設官之意

太卜下大夫二人卜師上士四人卜人中士八人下士十有六人府二人史二人胥四人徒四十一人

問龜曰卜大卜卜筮官之長大卜以下大夫為之而其官屬甚衆先王重其事也成天下之亶亶定天下之吉凶莫大乎著龜而名官獨以卜以龜為主也傳曰筮短龜長不如從長三從二逆内外吉二從三逆内吉外凶人可違而卜筮不可違筮可違而卜不可違觀之洪範大誥洛誥之書則先王之重卜可知矣卜人無別職以其助大卜卜師行事也卜職同官

龜人中士二人府二人史二人工四人胥四人

徒十人

工取龜坎龜與
卜人連類也

蕪人下士二人史一人徒八人

蕪時髓
友

蕪荆木也灼龜用
荆故名官曰蕪氏

占人下士八人府一人史二人徒八人

占人占著龜之卦兆吉凶易曰以上筮者尚
其占蓋占事知來以視兆吉凶則謂之占人

簪人中士二人府一人史二人徒四人

問著曰筮
其占易

占夢中士二人史二人徒四人

以日月星辰占六夢
與陰陽鬼神相關也

右掌天文卜筮十三職

按書堯典命羲和攷曆象日月星辰敬授人
時豈為細事故天文之職合麗天官或謂卜
筮技藝之末不當以屬天官不知先王所以
使民信時日敬鬼神畏法令也所以使民決
嫌疑定猶豫也故疑而筮之則弗非也日而
行事則必踐之昔者河出圖而伏羲畫卦天
賜禹九疇而明用稽疑蓋卜筮之原出於天
其用施於人不可廢也考之舜以天下讓禹

必卜二公憂武王弗豫而必曰穆卜成王營
洛而必卜大王遷岐而必曰契龜武王遷鎬
而曰龜正之周公東征大誥而必以卜至於
夢寐有無之間若不可信然考書朕夢協於
卜詩維魚維旟而爲豐年此天文卜筮占夢
莫非國家禎祥妖孽之兆而其所掌皆秘事
不可不密者故自
春官徒置于此

醫師上士二人下士四人府二人史二人徒二
十人

醫師衆醫之長或曰醫師固不可廢又有獸
醫等五官豈不冗哉殊不知執技以事上者
皆世守也記曰醫不三世不服其藥占人謹
疾如此而欲以一人兼二二三之職其能精乎

故食醫主調王之飲食不當兼治萬民之疾
瘍醫察外証不當兼內証獸醫既已治獸疾
瘍不當又治人所以有五官之煩也漢之少
府宋之御藥院本此以之屬天官者觀秦始
皇當荆軻難發侍醫夏以所奉藥囊提荆軻
則醫師之侍王自古而秦漢之改也故舊以附天官

食醫中士二人

食有和劑藥之類雖非治疾亦所防疾於未
然調攝至尊之體非通醫術者莫之與故亦
以醫名官吳
氏非之誤矣

疾醫中士八人

瘍醫下士八人

三而後言
一
傷瘡癰也此內外
証也故別業

獸醫下士四人

獸牛馬之類先王愛民而及物雖物之微無不治之况如牛馬國家所以牧之以待用猶其當重者其設官宜與醫師連者蓋人獸貴賤不同而其受疾則皆本於陰陽之氣其理未始不同必與醫師等商訂講議權衡之而後可無失故與之同在此也俞氏以為獸醫當在冬官以月令季冬命司空曰饒獸之藥遂疑在各官然彼乃毒獸之藥非醫獸也

右掌醫四職

朝大夫每國上士二人下士四人府一人史二

人庶子八人徒二十人

此王朝之士也以其王都家之國治其事重故名之朝大夫也畿內三等采地雖有百里五十里二十五里總謂之國若王制云九十國也云庶子者蓋亦主采地之諸子在府史之下亦官長所自辟除也

都則中士一人下士二人府一人史二人庶子

四人徒八十人

都則王都家之八則者也天官冢宰以八則治都鄙而此官以之專治都鄙也

右治都鄙二職

按舊管在秋官今考其職曰主節家之治例以五官之主都家者如春官則曰都宗人家宗人如夏官則曰都司馬家司馬秋官則曰都士家士惟地官冬官關以此及証之宜在天官但天官主都治尊於地官故其治都鄙者獨名以朝大夫惟都則之官掌八則者也况有庶子與上同所掌亦非刑罰其為天官也明矣凡六官主都家之官舊管在諸職之末今從之

右天官之屬凡五十九職

愚謂天官一篇舉其屬雖曰五十餘官約其職實不過四類治百官一也制國用二也星曆卜醫三也王官后宮四也夫天下事固難責辨於一職而事之權亦不可此出於多

故衆務雖散在六官而其要者應盡歸以三公之尊下攝冢宰之職以冢宰之兼六卿之事天下萬務宜無不統庶幾大政權國家綱紀不至分裂而不可集今天官所掌僅惟止此無乃天下之事猶有非大臣之所與聞而體統尚未正耶嘗讀大學書至於平天下而有以知天官所攬誠得其要也夫大學一書事莫大於平天下約平之要而歸之絜矩約絜矩之要而歸之理財用人以是而考天官則凡所以統百官者皆用人事也所以制國用者皆理財事也惟統百官則凡六官之所職皆其所理也惟制國一用則凡六官之所用皆其所給也至於文史星卜固所以考百官之事戒百官之時警百官之變而定百官之疑者又孰非總攝六官之之要乎乃若王宮后闈之事是又大臣所以

三才圖會 卷一 十一 四百九十八

輔其君正心脩身齊家之本此正程子所謂有闕雖麟趾之意然後可以行周官之法度者是又制治六官之本原而六官政事之所自出大學所謂家齊而後國治此其意也夫一職一事苟有關於國家之理亂而係於六官之綱領者則已翕然皆在於掌握使比附聯合受制於我關節脉理靡不相應誠所謂操約而御繁也大學以此而平天下冢宰以此而均邦國乃知二篇實相表裡有志於君相之業盍亦合二篇而觀之

太宰之職掌建邦之六典以佐王治邦國一曰治典以經邦國以治官府以紀萬民二曰教典以安邦國以教官府以擾萬民三曰禮典以和邦國以統百官以諧萬民四曰政典以平邦國以正百官以均萬民五曰刑典以詰邦國以刑百官以糾萬民六曰事典以富邦國以任百官以生萬民

典常也經也法也六典以治可以萬世通行乃經常不易之法也六典五官與太宰各司其一而言太宰掌建之者太宰總御群職也邦國諸侯之國百官六卿之屬萬民四海之民總言治者以雖有治教禮政刑事之不同該而言之皆治法也先邦國而後官府萬民者以諸侯百官之長萬民之表也經經國之大綱紀則錯綜而不遺於經為詳也上無教

則百姓不親五品不遜而國危故曰以安邦
國也擾馴習而自不違於善於安為詳也和
各安於理無相乖陵也諧則相信之極於和
為詳也物各當其分謂之平強不侵弱衆不
暴寡之謂也均則至公而不私於平為詳也
詰猶禁也糾察也糾則纖悉而不差於詰為
詳也任猶俸也俸猶立也欲使百官皆立其
功也土地百工之事各勤其事則財物克足
故云富邦國生則惠養而不窮於富為詳也
東萊呂氏曰周禮一書綱目盡在六典而冢
宰無不統之天下事須有總統要會處下面
雖衆把握管鑰皆在冢宰內統百官外均四
海百官異職管攝之使皆歸於一是謂之統
四海異宜調濟之使咸得其平是之謂均所
以管攝之者非官官而控制之也自百而歸
之六自六而歸之一所攝者至簡也所以謂

濟之者非人人而攝量之也大者與之為人
小者與之為小所居者至易也明乎簡易之
理無餘蘊矣夫三公三孤天子所與共調精
微之原而無所治者也統萬事而分治之則
六卿者萬事之綱也為天下者始於立綱紀
故一曰邦治綱紀既立首教之以人適之大
故二曰邦教人適立則必有節文之者故三
曰邦禮教立禮行而猶干紀亂常則將帥之
任也故四曰邦政大罪陳之原野降此有司
之法在故五曰邦禁民遷善遠罪然後可以
永奠其居故六曰邦土終焉六卿分職各
其屬以倡九牧阜成兆民為治體統上下
統內外交應本末具舉絲牽繩繫無不備
天下雖廣無分歛而有會統矣然冢宰知天
子而統百官乃均列職而併數為六卿也
綱固在綱之中而酋亦豈處于身之外哉乾

三書卷之十一 一 卷 四十四

坤之與六子並列於八方也冢宰之與六卿並居於六職也一也此言治邦國之事按先王以道治天下六典雖法法即道也世以法把持天下君道亡矣縱復舉行周官徒法而已

以八灋治官府一曰官屬以舉邦治二曰官職以辨邦治三曰官聯以合官治四曰官常以聽官治五曰官成以經邦治六曰官灋以正邦治七曰官刑以糾邦治八曰官計以弊邦治

此言治在朝官府之事百官所居曰府六官各有屬六十長官有屬則官事得舉而無

瘵六官各有所司則治有分辨而無相奪倫國有大事一官不能獨供則六官相聯共行然後事得合會事變無窮昔人常有觀會通而行典禮者常也舉古常以酌今行則治可以聽斷而不眩又有成事品式一定而不可移者依而行之則如布之有經而不紊太宰垂治象之法司徒垂教象之法百官各有法以治事則無侵官離局治各歸於正矣司寇五刑四曰官刑糾者察之以戒儆人心也書曰制官刑儆于在位是也官計謂小宰之六計所以斷群吏之治斷其誅賞以庶察人才也夫古人經畫天下誠有本末舉天下之事而非人君之所能自為者繩繩井井各得其所處者亦惟官吏盡職也故成周太宰獨以官府之治為先蓋其本先立則其末從之苟士大夫以此為念則天下無難辦之事矣



以八則治都鄙一曰祭祀以馭其神二曰灋則以馭其官三曰廢置以馭其吏四曰祿位以馭其士五曰賦貢以馭其用六曰禮俗以馭其民七曰刑賞以馭其威八曰田役以馭其衆

此治都鄙之事都鄙王子弟及公卿大夫采邑之在畿內者宗廟社稷山川諸神祀有典秩則尊卑不相踰兩伍殷輔家臣之官各有制度則職守不相紊庶人在官者過則退之賢則置之士將仕者論定而官之位定而祿之采地之民有井田什一而稅使其所用惟賦貢之從則歛不加於民而用足矣用禮文以成其風俗使都鄙冠婚喪祭不家自爲俗

有善者賞有惡者刑賞明而勸懲嚴四時之田後因其時而後使之田以簡衆後以任衆也
按王畿之內建都邑以封王子弟公卿大夫既以封其臣子而一一聽其自治無法以馭之則王命有所不行既以封其臣子而一一繩縛之則臣下不得以有爲故八則以馭之要使無過則而已然幽有鬼神則有禮樂其官其吏其士皆爲叙之爲之裕用爲之詰奸爲之簡武其廣大而精微又如此

以八柄詔王馭群臣一曰爵以馭其貴二曰祿以馭其富三曰廢以馭其罪四曰置以馭其行五曰生以馭其福六曰誅以馭其過七曰予以

馭其幸八曰奪以馭其貧

按此當依內史序今

此總序邦國都鄙官府之事爵公侯伯子男卿大夫士也人臣非爵無以貴之必有德而後任故曰馭其貴非祿無以富之必有功而後授故曰馭其富廢棄也有罪者不可任禡其爵而棄之故曰馭其罪置者置諸其位也其爵而棄之故曰馭其罪置者置諸其位也其有才者不可棄以其序而進之故曰馭其行誅責讓也臣有小過則責之故曰馭其過臣之罪可殺而有八議之辟賜之更生以福之故曰馭其福予者予之以財必推恩而後賜故曰馭其幸臣有罪而當沒入奪其所有至於貧故曰馭其貧

之幸皆本之我使之如此非彼有罪有過而誅之廢之也

按先王之御世必有所秉執以御臣民八柄入統皆王者御臣民之大權王所自秉太宰特贊之而已故皆曰詔王八者慶賞刑威陸子所謂治世之四物湯也

以八統詔王馭萬民一曰親親二曰敬故三曰進賢四曰使能五曰保庸六曰尊貴七曰達吏八曰禮賓

此言馭畿內之民統有包攝牽合之意王者以一人而御萬民苟無道以統之則泮渙而民莫慢其故馭以進賢則民知德之不可不

務馭以使能則民知能之不可不勉馭以保庸則民知功實之不可害馭以尊貴則民知爵命之不可陵馭以達吏則民知壅蔽之不可為馭以禮賓則民知交際之禮此上行下效民與君而相合也

以九兩繫邦國之民一曰牧以地得民二曰長以貴得民三曰師以賢得民四曰儒以道得民五曰宗以族得民六曰主以利得民七曰吏以治得民八曰友以任得民九曰藪以富得民

此言繫邦國之民兩猶耦也所以協耦聯綴天下也人心各以類合而聽命于上不為之

兩則渙散睽異莫相統一故設法以維持之牧九州之牧各有分地世養其民民皆戴之長畿內諸侯雖不世位尊德隆民仰賴之師教學之官興教化有三德三行以淑民學子歸之儒道德可為師表者人心仰法而歸之宗立太宗小宗之法以收族人蓋族食族燕皆序以昭穆五世外者皆為齊衰三月故晉執蠻子以昇楚楚司馬致邑立宗焉以誘遺民則宗之得民於此可見矣主有家者大夫治都鄙采地施利益足以得民吏吏之治鄉遂者若比長閭胥等既專其政則民亦悅其治友同井相合耦者孟子曰鄉田同井出入相友守望相助相任以事者則以事而相得也一曰學校之友相任以道亦以任相得也師儒友三者皆有得民之端故王者使之尊師貴儒而友賢也藪養蕃鳥獸之藪虞衡掌之與

民共利民心歸之九者皆各有得民之實相
合而無離而人君又以六典統之於其上
民繫於九兩九兩繫於人君先王之世所以
人人固結而無一旦土崩之患以此道也
按上二節言均四海之事先王以邦國之民
分居散布不可得而繫也於是乎立九兩之
法以牧而得二百十一國之心以師以儒而得
校之心以宗而得一族之心以主而得一邑
之心以吏而得一里一閭之心以友而得一
鄉之心以教而得一地之心而先王乃以一
人而得乎天下之心於是民繫乎牧牧繫
乎君舉天下之民維繫于一人而不
可解矣是知先王之繫天下非必一一而耦
之也亦使民自為

以九職任萬民一曰三農生九穀二曰園圃毓
草木三曰虞衡作山澤之材四曰藪牧養蕃鳥
獸五曰百工飭化八材六曰商賈阜通貨賄七
曰嬪婦化治絲枲八曰臣妾聚斂䟽材九曰閒
民無常職轉移執事

民無職業則生計素故各以職而任之使皆
事其事三農原隰及平地也九穀黍稷稻粱
大小豆麻麥苽也樹果蒨曰園園其樊也生
民之本在食農圃乃民生之本故先之虞衡
掌山澤之官作興也興山澤之利也澤無水
曰藪牧者畜牧之地可以養蕃鳥獸山澤藪

牧皆生財之源筋化勤力以化也八材珠曰切象曰磋玉曰琢石曰磨木曰刻金曰鏤華曰剝羽曰折行曰商坐曰賈阜盛也金玉曰繅者泉麻之未緝者男賤曰臣女賤曰妾疏材百草根實可食者閭民謂無職事者轉發為人執事若今傭賃也是則任民以九事城民以九職無一民之不有其業無一民之不

以其所無一能之不可以食人各有事各

有功以與財征以濟經用先王與民為生而

國亦獲其利乃如此

按大學生財有大道生之者衆為之者寡意亦如此

以九賦歛財賄一曰邦中之賦二曰四郊之賦

三曰郊甸之賦四曰家削之賦五曰邦縣之賦

六曰邦都之賦七曰關市之賦八曰山澤之賦

九曰幣餘之賦

此畿內賦入之法賦田稅也邦中在城郭者

四郊去國百里邦甸二百里家削三百里邦

縣四百里邦都五百里各有田賦關市有臺

布山澤澤農有十一之征入者皆正賦惟幣

餘乃幣給公用之餘財詳見職幣下

按舊說自邦中至邦都皆謂口率出泉非也

田有賦而身有後計口出泉者漢以后之事

非周制也

以九貢致邦國之用一曰祀貢二曰嬪貢三曰

器貢四曰幣貢五曰材貢六曰貨貢七曰服貢

八曰旃貢九曰物貢

此侯國貢入之法采邑有賦邦國有貢禹貢
入州有貢惟奠無貢以畿內特賦之而已致
若使其自致非若求金求車而致之也致邦
國之用謂貴適於用不貢於遠方之珍異也
所謂不貴異物賤用物也祀貢共祭祀之物
犧牲苞茅之屬嬪貢絲枲絺紵之屬器貢銀
鐵石磬卍漆之屬幣貢織縞織皮帛也材貢
括柏篠蕩之屬貨貢金玉龜貝也服貢玄纁
織纁也旃貢羽毛可注旌旄若羽畎夏翟之
屬物貢雜物魚鹽橘柚之屬
按禹貢任土而已非土所出不以責民是故
青兗同方而漆枲不責之青雍梁同域而

琅不責之梁九以便民而已今九貢立為定
制不以九州所出論似與禹貢異者殊不知
此特立其名而其實以土宜而貢物與禹貢
無異也觀之楚貢苞茅則祀貢之不拘一方
可知已

以九式均節財用一曰祭祀之式二曰賓客之

式三曰喪荒之式四曰羞服之式五曰工事之

式六曰幣帛之式七曰芻秣之式八曰匪頒之

式九曰好用之式

此王朝用出之式式謂用財之節度均之使
有無適中也祭祀之式若大祭次祭用大宰

小祭用特牲之類賓客諸侯之君為賓諸侯之臣為客若上公饗餼九牢殮五牢之類喪若諸侯諸臣之喪含祔贈奠賻贈之類王家之喪所用大非此所共也荒謂凶年有所施與也羞服王之膳羞衣服所用也工事百工巧作器物也幣帛若贈勞賓客也芻秣謂牛馬禾穀也匪分也班班賜也王所命賜群臣也好用燕好所賜予也夫財用供於有司而式法總持於太宰則百官不逆式法而過供人主不違式法以過取用財者不敢失物而辟名人主亦莫踰分而淫侈由是則國有凶荒之變而九者之禮不資於下而自足矣世之主諸侯之君亦皆因式節用而愛民矣是則太宰所謂理財者惟理其出而已此正格心之業大臣之事也所謂唯工及后世子不會者正惟大宰以式法制之於上而有司不事於會耳世儒以為至尊不可以法數制非正論也

戎曰九式獨不見朝觀會同軍旅田後之式而小宰乃有以掌之何也蓋朝觀會同所用不過牢禮委積膳獻等此自有賓客之式軍旅田後所用亦不過工事幣帛芻秣匪頒也今皆有其式則九司司弓矢司甲冑其所給皆有法式既有芻秣之式則委人軍旅其其委積幣齊既有芻秣之式則司勳賞地之政令皆薪芻既有匪頒之式則司勳賞地之政令皆各有法式是九式雖不名言而實寓之矣至於軍旅以井田制國賦居有積倉行有囊糧人人自備官府不與知焉而廩人治其糧食倉人共其道費遺人掌其委積皆待官府中行軍者耳故小宰令之而大宰九式有不及也其大者九式中局嘗有所遺哉

自首至此九十條明經國之大綱治政之條
目自下節正月之吉已下不過願宣此法依
事而施也

按周之為法莫詳於三百六十官而大綱小
紀則率見於太宰一職蓋太宰即三公所兼
也三公與王論道經邦若不肩意於法守而
六典以治邦國八法以治官府八則以治都
鄙與夫入統八柄九兩九職九貢九式區處
經畫以維持天下者靡不究盡十者之目舉
於上而天下萬事舉積諸此是道與法並行
而不悖本與末兼舉而不偏是其法實莫非
道之所寓也噫夫子之所憲章必曰文武其
所欲從必曰有周而其夢見之者惟周公有
以也夫後世欲志於古治者重念於斯

正月之吉始和布治乎邦國都鄙乃縣治象之

遷于象魏使萬民觀治象挾日而斂之

子協反

自此已下皆謂施前所掌之事正月者建子
之月也吉謂朔日也始和謂始調和上六典
八法以下之事和訖當月即頒布此治職文
書于諸侯邦國鄉大夫都鄙凡治有故而言
始和者若更新其事改造云爾其實因法素
定不得改也乃者緩辭至建寅之正月乃以
天官之治法畫之為象縣之于雉門之兩觀
棟木鐸以徇之使萬民共觀之小宰亦帥其
屬而往皆所以重治法新王事也從甲至甲
謂之挾日九十日也斂藏于明堂於後月月
受而行之謂之告朔也象魏闕也魯災季恒
子御公立于象魏之外命藏象魏曰舊章不
可忘成周治典之設既布之于邦國都鄙又
番之于象魏不獨使萬民觀之而小宰又帥

其屬而觀之焉狗以木鐸無不聞也歛以挾日無不見也上之意達乎下而下之意協乎上示之以好惡而民知禁一道德以同風俗其源流蓋如此

按始和有調和之意蓋治道與時推移亦有斟酌損益者

乃施典于邦國而建其牧立其監設其參傳其伍陳其殷置其輔乃施則于都鄙而建其具立其兩設其伍陳其殷置其輔乃施法于官府而建其正立其貳設其攷陳其殷置其輔

乃者更申勅之所施者典則建牧以下是也建立也每一州之中立一牧以諸侯

者命作之所謂八命作牧也監謂公侯伯子男各監一國參謂三卿伍五大夫殷衆士也王制諸侯上士二十七人三卿各九人中士下士各居其上之三分輔府史庶人在官者長謂公卿大夫王子弟食采邑者以爲一邑之長兩謂兩卿伍殷輔與上同正謂冢宰司徒宗伯司馬司寇司空也貳小宰小司徒等是也以其副二大卿故謂之貳考成也考其成績者宰夫鄉師之類是也於此可見成周列爵分土建官位事之法

按先王命諸侯以國而大國三卿二卿命於天子如齊有天子之二守國高是也夫必自天子命之非使之伺察諸侯示以不敢專之意耳自秦人置郡監魏晉而下有典籤專以東制諸侯王爲事五代時亦置監郡殊失古人之意矣

允治以典待邦國之治以則待都鄙之治以灋待官府之治以官成待萬民之治以禮待賓客之治

典六典也待謂待其成而攷之則八則法八法成八成也禮賓禮也蓋有國斯有賓客有土斯有民邦國官府都鄙雖不同二者之治亦相參而用也○以上皆所謂官職也按治法既立擇人而任之太宰無為也執其要而聽之耳

祀五帝則掌百官之誓戒與其具脩前期十日帥執事而卜日遂戒及職事既滌濯及納享贊

王牲事及祀之日贊玉幣爵之事祀大神示亦如之享先王亦如之贊玉几玉爵大朝覲會同贊玉幣玉獻玉几玉爵大喪贊贈玉含王作大事則戒于百官贊王命

帝氣之主也五帝東方青帝南方赤帝西方白帝北方黑帝中則黃帝別而言之謂之五帝合而言之謂之上帝也誓告之以言戒勅之以事誓戒要之以刑重失禮也明堂位所謂各揚其職百官廢職服大刑是其辭之畧也其所當供牲幣之類脩滌濯掃除之類前期十日而誡日既卜散齊七日致齊三日執事宗伯太卜之屬既卜又戒百官以始齊此



戒即所謂散齊也及職事者前祭日之夕與
今何祭之晨乃執祭事之節也滌濯謂漑器
太宗伯宿眡之而太宰及執事時又眡之納
亨納牲將告殺謂向祭之晨也既殺以納亨
人允大祭祀君親牽牲大宰贊之祀之日旦
明也玉幣所以禮神玉與幣各如其方之色
爵獻齊酒之爵不用玉爵尚質也大臣示天
地也享先王宗廟六享也玉几所以依神天
子左右玉几宗廟獻用玉爵所以昭其文也
春見曰朝秋見曰覲時見曰會殷見曰同五
服皆朝朝者衆故謂之大允大朝在朝大覲
在廟大會同在國門之外集于方明壇上幣
帛也玉幣諸侯所以享天子行人所云廟中
將幣三享是也玉獻諸侯獻國珍也幣與貢
皆合之以玉故謂之玉幣玉獻王几王所依
也立而設几優尊者玉爵王禮諸侯之酢爵

王制諸侯立依前南而其禮之於阼階上也
贊者助王受此四者也贈王既寔所以送先
王舍王死者口實天子以王贊助王爲之也
大事國之大事在祀與戊助王爲教令也○
此一節所
謂官聯也

王眡治朝則贊聽治眡四方之聽朝亦如之允
邦之小治則冢宰聽之待四方賓客之小治

朝制有三內朝爲燕朝講燕禮也外朝爲聽
獄弊訟之朝也治朝爲中朝在路門之外日
朝以聽國事者也四方之聽朝者王巡守四
方諸侯各朝于方岳之下無常所也二者天
下之大權天子親之冢宰贊之也小治小事
也大事決於王小事冢宰專平聽而待之景


則政無內外大小
冢宰皆兼統之也

歲終則令百官府各正其治受其會聽其致事
而詔王廢置三歲則大計群吏之治而誅賞之

會古
外反

正其治正處其所治文書
曰會聽其致事而詔王廢置
治政功狀與冢宰聽斷
而奏白王有功者置之進
退其爵也三年一問
治功文書人無功不徒
徒置必賞之書曰
終則令正月受旬然則

日考之也宰夫受之
夫令之而小宰受之歲之
宰贊之而大宰受之日
王廢置至三歲又六計
而群吏無不各共其
愚按周時考課之法總
倡之有本而董之有序
所統而上之六官之卿
宰稽其功緒雖醫帥之
醫事而上之於其如司
要會而致事如司寇命
五卿各考於其屬也以
諸侯皆上其會於司會
一官以察之有司會馬
治而聽其會計以詔王
成周之時各考於一職
而後考於一官




之長考於一官之長始盡考於司會而後達
於冢宰冢宰以一人而總提其大綱於上也
是以綱領舉而體統正會計精而誅賞明也
西漢之初刺史課郡國守相而丞相九卿則
雜考郡國之計書至天子則受丞相之要漢
去古未遠猶有古意如此彼唐虞之時三載
考績三考黜陟幽明而周官之法乃歲終廢
置三歲誅賞何也蓋上古之時事簡入朴故
考之法疏周之時事繁人變考之不得不數
先王之治亦與時偕行而已張子曰大宰之
職難看蓋許大心胸包羅記得此復忘彼其
混混天下事當如捕龍蛇搏虎豹用心力看
方可故議論天下之是非易處天下之事難
孔子嘗語弟子曰如或知爾則何以哉其從
五官便易看
只一職也

小宰之職掌建邦之官刑以治王宮之政令凡

宮之糾禁

小宰者大宰之貳也宮刑在王宮中之刑建
則明布告之政令糾禁所以為刑之先後左
右期至于無刑者糾察也有王宮有后宮內
宰治王宮之政令所謂后宮也宮正宮伯之
所掌王宮也至於凡宮之政令糾禁則王宮
后宮總隸小宰也不惟邇臣知所畏而後宮
近習亦有所畏此先王治內之道齊家之本
文王化及江漢德溥汝墳而本之關雎正此
意也
此一節治內之事下宮正宮伯內宰以下諸
職本此而冢宰之
所未言乃專職也



三才圖會 卷一 官制 三

掌邦之六典八灋八則之貳以逆邦國都鄙官

府之治執邦之九貢九賦九式之貳以均財節

邦用

典法則者本太宰之治法小宰迎受而鈎考之使治不為虛文也貢賦式者本太宰之制國用小宰執議而均節之使財不至妄費也一曰大宰兼總治體而專操縱之大權小宰則以其貳而察其善否之實也大宰兼總國用而專其斂散之大權小宰則以其貳而謹其出納之節也○此以下皆副大宰之事非專職也

以官府之六叙正群吏一曰以叙正其位二曰

以叙進其治三曰以叙作其事四曰以叙制其

食五曰以叙受其會六曰以叙聽其情

叙秩次也尊卑之叙也百官所居曰府任百官之職曰吏位朝位公卿大夫士中士下士其位凡六等也治功狀正師司旅府史胥徒各有所治也食者祿之多少稽其事而制其食乘其事而上下其食是也會者會其政事財用是也情者爭訟之情夫位有貴賤治其詳畧事有大小食有多寡會有詳畧情有是非惟以叙而正之則無有不正者矣宰夫掌治朝之法辨八職有治要治凡之別治之詳畧以叙進之百官有職斯有事事之大小亦以叙作之制食有等級上士倍中士中士倍下士之類受會歲終進會計文書以叙受

三才圖會 卷一 官制 三

之此亦
專職
按觀此則司祿司勳司士內史司會屬之天
官宜矣

以官府之六屬舉邦治一曰天官其屬六十掌
邦治大事則從其長小事則專達二曰地官其
屬六十掌邦教大事則從其長小事則專達三
曰春官其屬六十掌邦禮大事則從其長小事
則專達四曰夏官其屬六十掌邦政大事則從
其長小事則專達五曰秋官其屬六十掌邦刑

大事則從其長小事則專達六曰冬官其屬六
十掌邦事大事則從其長小事則專達

六屬舉邦治者謂官盛任使立六卿為六官
之長而以屬官佐之邦治得舉是以六官各
有其屬六十也官以天地春夏秋冬名者天
覆之地載之四時生成之六官代天地四時
之工以遂萬物之性合六官之屬三百六十
者象周天三百六十度益法天道自然之數
非人為之私智也然唐虞建官惟百夏商倍
之而周又增多至此者因時事繁簡也事大
從長若膳夫食官之長而下有庖人內外饗
亨人皆咨之小事專達若宮人掌舍等無大
事無長官可諮自專行事也王氏曰尊者治
大而畧卑者治小而繁是故事之大者不聽




于長則卑者從而敗事之小者不專決則尊者繁而無功先王之馭群臣各有其道如此故夫上下足以相臨尊卑足以相濟按王舉太宰太宰舉五官六卿又各舉其屬是以古者得人成治後世不任人而任法官無大小悉選於吏部人才不能周知則用資格賢不肖混矣

以官府之六職辨邦治一曰治職以平邦國以均萬民以節財用二曰教職以安邦國以寧萬民以懷賓客三曰禮職以和邦國以諧萬民以事鬼神四曰政職以服邦國以正萬民以聚百

物五曰刑職以詰邦國以糾萬民以除盜賊六曰事職以富邦國以養萬民以生百物

六官之職不同治職曰節財用蓋財用人主所易後故以節之為治職之重也教職曰懷賓客蓋遠人必備而後來故以懷之為教之重也禮職曰事鬼神禮以祭祀為至也政職曰聚百物政以四方畏威為至也刑職曰除盜賊刑以寇賊姦宄為主也事職曰生百物事以居四民時地利為至也各司其事不相侵越故曰辨邦治按以上二條執此以考六官則其所職可坐而判而地官之掌教冬官之掌事較然矣自此以下皆太宰八法中之六事特太宰提其綱而小宰理其目耳



以官府之六聯合邦治一曰祭祀之聯事二曰
賓客之聯事三曰喪荒之聯事四曰軍旅之聯
事五曰田後之聯事六曰斂弛之聯事凡小事
皆有聯

一事而一官專行之此職也一事而合六官
共行之此聯也聯事通職爲之而後國治得
合祭祀之聯謂大祭祀大宰贊玉幣司徒奉
牛牲宗伯眡滌濯司馬奉馬牲司寇奉明水
火之類賓客之聯謂大賓客大宰贊玉幣王
獻司徒備道委積大宗伯爲上相大司寇前
王之類喪荒之聯謂大喪大宰贊贈王舍王
大司徒帥六卿之衆庶屬其六綱遂人屬六

綽宗伯王喪禮司馬平士大夫司寇前工之
類荒大宰會計司徒主荒政宗伯主荒禮司
寇荒辨之法之數軍旅之聯謂六軍軍將皆
命卿大司馬以旗致萬民之類田後之聯謂
田以簡衆役以任衆如大司馬所帥田後之
類斂弛之聯謂如斂民之財舍民之力言斂
則散利可知言弛則力征可知如大宰之九
貢九賦卿大夫國中貴者皆舍征之類
此事之大者
小事亦然

以官府之八成經邦治一曰聽政後以比君二
曰聽師田以簡稽三曰聽閭里以治圖四曰聽
柵責以傳別五曰聽祿位以禮六曰聽政事

三十五卷之二

以書契七曰聽買賣以質物八曰聽出入以要

會別此毗志既征傳附

成法之一定而不可變者白也君之要會是也經治絲之名析其縷而分六之謂政刑也後起徒後也此居伍籍也政寄軍人其用也則五人為五因內政寄軍人其用也簡稅者平而無遺脫也師用也其用也簡稽士卒兵器簿書簡閱也其用也簡簿也凡六鄉二十五家為一里里之要為里間里有爭則以戶察之其用也簡之舉物以就貸為稱書其用也簡也別判書也一日傳其用也簡字別之為兩段家各得之其用也簡之差等有爭祿之多少其用也簡

文書聽之書契謂書也簡牘為書合而驗之取其責償也以書契聽之同而別之長曰質短曰券易於市彼之所買此之所賣出謂給以用之入謂歛正謂之要會月計曰要歲計曰會物簿契圖籍之事先王懼民之防其始所以示民之信也無所受其弊邦治安至於變亂而不可究者

以聽官府之六計弊群吏之治一日

廉能三曰庶敬四曰庶

五曰庶

聽平治也平治官亦曰有六事可斷群吏之治也其方而可見也善性慈長也敬戒慎不懈于位也法奉公守法也辨剛也酌低昂而用之故曰計

以灋掌祭祀朝覲會同賓客之刑具軍旅田役喪荒亦如之七事者之有官爵其其財用治其施舍聽其治訟

法即禮也祭祀以下七事乃五禮也戒勅其事之所當謹具致其物之所當共施者謂不

當給後者財用其於治官之大夫之屬治訟聽於刑官之惟令之而已七事即六聯不見歛弛令百官共其財用治其施舍則歛弛亦在其中也○以上皆官職

凡祭祀贊王幣爵之事裸將之事凡賓客贊裸之事凡受爵之事凡受幣之事喪荒受其舍祿幣王之事

贊王幣爵又從大宰助王也裸將者宗廟之祭人道故有裸也天地大神至尊則不裸將送也裸送送裸也贊王酌鬱鬯以獻尸尸受而不飲因灌於地以求神於陰裸之言灌也

天地用王幣交神而不裸則王幣尊於幣故
 大宰贊之幣則大宗伯贊之裸將又甲於幣
 故小宰贊之九賓客贊裸者宗廟之裸王與
 后為之賓客之裸大宗伯代為之主不酌賓
 客而有受幣爵者贊大宰也受爵者大宰於賓
 伯也受幣爵者贊大宰也受爵者大宰於賓
 客處受而授王王飲訖大宰受爵以授小宰
 受幣亦王親受受以授大宰大宰以授小宰
 也口實曰含衣服曰祿凶荒有幣王者賓客
 所賜委之禮無所贊也自受而達之耳此所
 謂官
 聯也

月終則以官府之叙受群吏之要贊冢宰受歲
 會歲終則令群吏致事

月終每月之終也月計曰要受之各以尊卑
 之序也歲計曰會大宰受之小宰助之而已
 歲終使六官各致其功狀以考
 焉本末相因執要御詳之道也

正歲帥治官之屬而觀治象之灋狗以木鐸曰
 不用灋者國有常刑

夏正建寅曰正歲周正建子曰正月大宰縣
 治象之法于象魏小宰帥治官之屬往觀焉
 鐸大鈴也木鐸金口木舌古者有新令必奮
 木鐸以警衆文事振木鐸武事振金鐸官屬
 有不用治象之法者國有常
 刑戒治官之屬正其始也

乃退以宮刑憲禁于王宮令于百官府曰各脩

乃職攷乃法待乃事以聽王命其有不共則國有大刑

宮刑王宮中之刑也蓋小宰得秋官刑禁文書表而縣之于宮內也令百官府者乃王宮中之官府百官有治事于王宮者也既憲禁于王宮又明為告令使皆知之大刑非特常刑以宮刑宜嚴故也如是則宮中皆備職守法以待所事矣漢律宮殿比常有加亦以是也此經於職末復以宮治結之以其專職故始終之也

按小宰一職自六典八法八則以及九貢九賦九式與夫祭祀七事皆歸于其治官府之八法特加詳焉皆歸于其治官治王宮之政令與官府之政令乃其特掌而

於其職末復以宮刑終焉於此可見其職之官亦必有特職未必盡於此也

宰夫之職掌治朝之灋以正三公六卿大夫群吏之位掌其禁令

治朝在路門之外其位司馬南鄉三公北面東上孤東面北上北面南鄉三王族故士虎士在路門之左西面馬士在路門之右南面馬士北面南鄉三從者在路門之左西面馬士北面南鄉三禁令察其不如儀者小宰以叙正什相正群臣此兼王與臣蓋特職也

叙群吏之治以待賓客之令諸臣之治萬民之



逆

叙群吏之治次叙吏之職者之來則思
 使辨理之即以待賓客已禮而先
 也於朝觀會同之禮而先報也反也
 報也反也王謂於朝
 而上曰逆逆謂上書也以待
 大宗伯朝觀會同為上相肆
 及大小行人掌客掌評委人
 賓客之官使辨理之也諸百
 三公及孤卿之復逆大僕掌
 夫恒叙大僕小臣等辨埋此復逆宰夫次叙
 民之逆如御僕掌度氏之復逆宰夫次叙
 僕使辨之也言復言逆互文也大僕
 職猶今之掌章奏報告者也大僕
 夫宰夫曰夕與天子親近執文也

真特職也

掌百官府之徵令辨其八職一曰正掌官灋以

治要二曰師掌官成以治凡三曰司掌官灋以

治目四曰旅三官常以治數五曰府掌官契以

台藏六曰以掌官書以贊治七曰胥掌官叙以

叙八曰徒令以徵令

者使有所為也此令大官之
 屬以請之所為若不別異其職則徵
 皆無所之辨三百六十職以待之也
 正長之同徒之類總其大綱也師

總言六官之屬事有一定
司聽之乃一官之大凡也
各屬每事又有成法如網
屬之佐也事雖有成法亦
古常行者而損益之悉數
也官契謂要書以治所藏
文辭而述事者掌書寫以
智為什長者次叙官中須
以其徒也徒應走以應呼
九上所號召徵求則給其
後四者庶人之在官者職
略職卑則所掌者小而詳
察指各適其用此八職之
士大夫轉相副貳實
自徒其數少后後世書

倍于官胥徒千百為群
且虛文相誑天下事一委于簿書治彌下矣
掌治灋以攷百官府群都縣鄙之治乘其財用
之出入凡失財用物辟名者以官刑詔冢宰而
誅之其足用長財善物者賞之

治法即八法入則等大宰出法以治之小宰
執法以逆之宰夫循法而攷之是宰夫加詳
焉乘財用出入者即乘計出入之數以知其
贏耗也凡穀帛貨賄曰財費出曰用樹畜曰
物詐文書曰辟名侵漁以匱財妄費以虧用
失養以耗物而匿詐文書以為奸欺此有罪
當誅者詔太宰誅之若量入為出而用克生
之有道而財裕畜養有方而物阜此有功而

三禮卷五十一 卷五十一 五十三

當賞者詔
太宰賞之

以式灋掌祭祀之戒具與其薦羞從太宰而

祗

式謂用財之式法謂治事之法戒具者太宰
掌之少宰掌之宰夫又掌之祭祀之事大體
重故聯事合治不嫌尊卑之同也薦脯醢也羞
庶羞內羞此有司之所共而宰夫又掌之若
夫祗滌濯者太宰之事宰夫特從之而已此
以下四條皆官聯也而此條乃贊大宰之事

凡禮事贊小宰比官府之具

凡禮事五禮之事小宰七事是也比較次之
以知其善惡具否官府之具即令百官共其

財用是也上小宰於七事已掌其戒具而宰
夫又贊而校之此條言贊小宰之事

凡朝覲會同賓客以牢禮之灋掌其牢禮委積

膳獻飲食賓賜之殮牽與其陳數

牢禮之法多少之差也三牲牛羊豕具為一
牢委積謂禾果薪芻給賓道用者膳獻禽羞
俶獻也飲食燕饗也殮客始至所致禮也牽
牲牢可牽而行者傳曰餼牽竭矣賓賜王所
好賜陳數以爵等為牢禮之數凡此禮詳具
掌客行人此掌客行人之所掌宰夫又掌其
禮數可見賓
禮之重也

凡邦之弔事掌其戒令與其幣器財用凡所共

者大喪小喪掌小官之戒令帥執事而治之三
公六卿之喪與職喪帥官有司而治之凡諸大
夫之喪使其旅帥有司而治之

弔事弔諸侯諸臣幣所用賻也器所致明器也
喪始死弔而含祔葬而贈贈其間加恩厚則
有賻焉大喪王后世子也小喪夫人以下小
官士也其大官則冢宰掌其戒令自諸侯諸
臣以至卿大夫喪掌之有異禮治之有異職
稱其分而已此皆大宗伯等之事而宰夫又
從而掌之重送死亦官聯
也○以上四事皆聯事

歲終則令羣吏正歲會月終則令正月要旬終

則令正日成而以致其治治不以時舉者以告
而誅之

此六官考課之法歲計曰會一年會計文書
總鉤考之月計曰要每月終則正其一月之
計日計曰成一日之終則正其一日之所成
治不以時舉者謂文書稽滯違時令失期會
告冢宰誅之也夫歲會冢宰受而小宰贊月
要小宰受而宰夫贊日成宰夫受而宰夫攷
而皆以令羣吏正之蓋一事之脩積而至於
事無不備一日之謹積而至於日無不謹是
以不可不時令之也日入其成是無一日而
可廢攷歲終廢置是無一歲而不勸懲三歲
有成則申之以誅賞先王之所以課吏者如
此其密也宜乎天下無不勸勉愧耻而事功

起也

正歲則以灋警戒羣吏令脩宮中之職事書其能者與其良者而以告于上

懲之以言曰警束之以事曰戒羣吏官中之吏法即官刑也小宰既憲而令之宰夫則又贊而警戒以令之使各脩其職也能有才者良尤善也上謂大宰小宰告之將行誅賞也此二條又其官職故以終焉
愚謂周官一篇其所以勸戒羣臣者有寬厚溫和之氣以敬以公以學以敏以剛決以誠信以誠和以勸善勤渠懇到如父兄之於子弟其飭之至不過曰惟爾不任而已如或恐有以傷之者及天官一書而其御制羣

者無非嚴厲督責之意太宰既勵之以灋馭之以八柄歲終詔王廢置三歲大計計其小宰又曰不用法者國有常刑其不共者國有大刑宰夫又來時舉者告而誅稟稟事嚴師之持弟子軍帥之束士卒惟恐或貽及事也此無他戒之不委曲則無以得其心官之不嚴厲則無以得其力周官乃一時勸誨之辭周禮乃萬世官人之執周官乃或王待臣恩義之情周禮乃周公立臣此繩厲之意成王以恩義勸之于其上周公以隼繩厲之其下交相濟焉而不儻廢此官無廢事而治日以起也

右大宰及小宰宰夫之職


內史掌王之八枋之灋以詔王治一曰爵二曰

者在路門之左南面西上

此王日視朝於路門外之位所謂治朝也與
朝士之位異者彼外朝聽獄弊訟詢衆之朝
也正其位自王公至僕從不差貴賤也辨其
等使不亂也鄉明而聽天下者王也故南鄉
者故東面鄉大夫佐王者故西面王族故士
鄉故南面三公東上則北面以東為右也
孤以下則皆以近尊為上也王族故士故為
士晚退留宿衛者未嘗仕雖同族不得在王
宮大右司右也大僕從者小臣祭僕御僕隸
僕也○按觀此大僕等皆屬夏官可知矣
司士擯孤鄉特揖大夫以其等旅揖士旁三揖

王還揖門左揖門右大僕前王入內朝皆退

擯相也司擯詔王出揖公卿以下朝臣也卿
大夫士者皆君之所揖禮特揖一一揖之也
等中大夫下大夫各有等大夫爵同者衆揖
之也公及孤鄉大夫始入門右皆北面東上
王揖之乃就位羣士及故士大僕散在其位
羣士位東面王西南向而揖之三揖者上中
下也王揖之皆逡巡復位孤鄉尊故特揖大
夫卑故衆揖之士又卑故旁揖之還回旋也
以在路門左右者皆南面故旋揖之大僕前
從門左本位前就王正其視朝之位也王入
入路門也王視事於治朝既畢而入路門內
朝而朝者皆退及其官府治處也內朝亦謂
之燕朝



三禮集言 卷一 名 四三〇三

掌國中之士治凡其戒之掌擯士者膳其摯

卿大夫士總號為士詩曰濟濟多士士治治其進退損益也戒戒其怠忽令其當為擯

士者初得命為卿大夫士執贄見於王司士擯相之也膳其摯入于王之膳人

凡祭祀掌士之戒令詔相其灋事及賜爵呼昭

穆而進之帥其屬而割牲羞俎豆凡會同作士

從賓客亦如之作士適四方使為介大喪作士

掌事作六軍之士執披凡士之有守者令哭無

去守國有故則致士而頒其守凡邦國三歲則

三禮集言

文化庫

